

摘藻堂四庫全書薈要

史部

欽定四庫全書薈要

史部

硃批諭旨卷一百七十八

臣紀昀詳校

詳校官編修臣繆晉

欽定四庫全書薈要卷八千一百四十八

史部

硃批諭旨卷一百七十七

硃批性桂奏摺

雍正六年八月初二日大理寺卿臣性桂謹

奏為奏明事竊臣一介庸愚荷蒙

皇恩命查浙省倉庫錢糧等務臣三月二十六日恭聆
聖訓隨於二十九日起程至四月二十六日抵杭州府
城即會同督臣李衛觀風整俗使臣許容會疏



題請分任盤查現在州縣倉庫錢糧有無虧空并咨
追案件業經通飭杭州等十一府及派委各員務
將咨追虧空及歷年民欠錢糧悉心稽察不使稍
有遺漏又檄行沿海文武官弁嚴禁米石偷運出
海凡汎口要地嚴加稽察毋致疎縱去後又恐咨
追案件有資財藏匿他所田畝詭寄別戶之處即
會同出示准其自首請

旨寬免前罪倘仍欺隱察出加倍懲處臣於五月十六

日自杭州起程先抵紹興府查山陰會稽蕭山三
縣咨追案件比別縣更多恐伊等執迷不悟又復
出示諄切曉諭并飭杭州各府縣一體實力查追
毋懸

國帑臣正在督令清查間據寧波府屬鄞縣慈谿奉
化鎮海等縣紛紛詳報缺雨隨即批令各屬勸諭
鄉農上緊車戽灌溉臣乘盤查之便於六月十二
日兼程星往寧郡所有缺雨各縣於二十八日大

雨終日四野霑足目下頻獲雨澤高下田禾俱慶
有秋至鎮海縣乃屬近海之區臣親往查看飭令
文武官弁兵丁實力稽察毋使米石偷運出洋俱
各遵奉加謹防範其寧波府屬咨追各案臣督令
陞任知府孫詔補授知府江承玠嚴加查追除已
經追解銀四千四百餘兩米穀共三百四十餘石
未完銀米等項嚴飭該府等查追不使遺漏臣因
紹興府咨追之案甚多故由寧波復至紹郡督令

知府顧濟美台州府同知胡文溥嚴加查追據報
前後共已追完銀六萬八千餘兩其未完案件臣
仍嚴飭該府等再加搜查不使隱匿其寧紹二府
屬倉庫錢糧臣所到之縣親往查驗將徵存銀兩
隨飭二府督縣起解司庫毋任存留滋弊貯倉米
穀飭令該縣加謹收貯修葺倉廩以免霉爛再各
屬歷年民欠錢糧荷蒙

皇恩准令分年帶徵臣於所到之處面飭地方官勸諭

紳衿百姓凡有力之家不必拘分年之限完納果能於年限分數之外多完者凜遵

諭旨加以獎賞紳衿百姓俱各踴躍輸將矣其雍正三四五年民欠錢糧自應全完之項臣飭令於秋收時徵比完報至民欠內有胥役影射者若查出依限完補之後仍治以侵蝕之罪則將來完補者恐畏縮不前臣仰體

皇仁飭令府縣勒限嚴追果能限內完補免究前罪至

浙江從前虧空各案現在會同督臣李衛嚴追其
州縣倉庫雖經委員分頭盤察并將各年民欠釐
剔清查臣仍親往各府細心察看今於八月初四
日起身往台州等府料理統容各有頭緒另當
奏報合將寧紹二府各事由先行奏

聞謹

奏

覽奏寧波府久晴得雨朕懷深慰清查各事務業有頭

緒可謂不負簡命勉力為之

同日又

奏為密奏事竊臣三月二十六日恭聆

聖訓蒙

皇上諭旨爾到浙江凡有風聞之事即行密奏欽此臣

於四月二十六日抵杭州府城聞得督臣李衛差

理事同知車柏台州府同知胡文溥寧紹分司徐

有緯三人到西興馬廠丈量沙地去後隨即以現

今種有棉花又有泥水難於丈量回稟督臣督臣
云爾等就到將軍處稟知彼時將軍臣鄂密達傳
進三人去云此處原係馬廠時漲時坍何必丈量
再水師營我必要安在乍浦演習兵丁又近便我
差人去看過並無鐵板沙爾等將我的話告訴總
督等語三人即回稟督臣並未回別的話後同知
車柏說將軍大發怒將軍說制臺賞我旗下官員
帽頂也使得麼諸事欺我又說要了戲子的錢纔

不禁止了架出一篇是非後督臣李衛見臣與許容云我與將軍二人之和氣

皇上都是知道的我如何敢惱將軍將軍就惱我我也不肯惱將軍我明日親到將軍處講明必不致傷了和氣我二人失和氣的事小後來

皇上的事關係大就不好辦了次日督臣到將軍處備細告訴將軍臣鄂密達云我何嘗有此話制臺念旗員一時不能措置每人送給帽頂一箇我還甚

是感激至如杭城戲子衣穿尚且無有那裏還有
送制臺的錢這人人都是知道的彼時說破後至
今相好如初同知車柏係鑲白旗滿洲人進士出
身臣素不相識及見有此事臣留心訪問皆云辦
事還好此事幸而李衛與鄂密達彼此說明以致
相好如初若不然將來不知生出多少事來所關
非細臣謹將前後事由奏

聞臣於八月初四日起身到台州等府料理凡有風聞

眼見看事之緩急另行繕摺奏

聞謹

奏

凡有所聞咸如此直陳不隱方是至於車柏乃婦人女子輩之行為何足挂齒

雍正六年九月二十八日大理寺卿臣性桂謹

奏為密奏事竊臣於八月初四日起身往台溫處三

府察看倉庫錢糧之便各處留心訪問海外港澳

並無匪類藏匿只有福建人在此捕魚為生者不下盈千累萬更有往來貿易由內洋順便帶回米豆麥石者而寧波台州溫州三府屬之民以米易魚換貨希圖厚利者有之實無接濟匪類之事臣

自台溫處回省之便由金華至衢州府據知府朱

倫瀚云我因辦銅到乍浦訪聞倭子國竟有我們

朕已

知之

內地人他今聘請這邊通律例的前去制臺也知

道等語續後臣到省亦向督臣李衛密說督臣云

我早已差人密訪查拏去了再臣向聞得衢州府

南接福建西通江西多有福建廣東江西三處游

手好閒之輩在衢州府屬山內開墾田地任意橫

行無所不為名為棚民不下數萬其來久矣臣到

在昔

棚民

何有目今

光景

經大費

一番措

置方能

如是

衢州

密訪

棚民

近日

光景

皆知

安分

不敢

生事

帖然

江西

浙江

安順

棚民

之法

除此

亦更

無別

術也

衢州

原係

陸路

而朱

倫瀚

因城

近江

河孔

道同

將知縣不動錢糧自捐俸薪添造哨船遊巡於地

方甚有裨益臣看紹寧台溫處金衢嚴等府知府

俱皆實心效力而寧波府知府今陞寧紹道孫詔
温州府知府芮復傳衢州府知府朱倫瀚紹興府
知府顧濟美此四人尤為明白辦事敬謹小心臣
不敢隱諱謹繕摺奏

聞謹

奏

浙省府道皆係簡用之員又兼李衛察吏公明時加訓
導鼓舞現今官常吏治原無可議所奏俱知道了

同日又

奏為奏明事竊臣於八月內自杭起程前往台溫處
三府清查已據各該府及委查官將各縣倉庫錢
糧米穀盤查清楚現在俱無虧缺臣業經飭取各
府并委查官印結其各縣現存銀兩飭令照數分
款起解司庫存倉米穀加謹收貯至金衢嚴三府
奉

旨著糧儲道蔡仕舫清查臣亦便道親至三府細詢各

該府據金華府稱有永康縣衢州府稱有龍游縣
民欠頗多積至十有餘年今已查十分之六七目
下漸可查明臣看大槩亦有頭緒矣至從前本省
虧空有台屬之天台縣承追前任叅令柯燦年遠
未完一案今據該府縣詳報業已追變完銀三千
五十餘兩其未完銀兩尚有查出民欠可抵現在
飭令地方官催徵完補至紹興府屬咨追案內除
前冊開已追完銀兩外今又據該府申報追變完

銀四千六百餘兩其各府咨追等案除有產業欠
項可抵之外尚有年久無著者臣仍飭各府縣細
查密訪不使絲毫隱匿遺漏再分年帶徵之民欠
經臣宣布

聖恩勸諭輸納紳衿士民咸知感戴竟有於年限應完
之數額外踴躍多交者亦有欠少小戶竟能全完
者至雍正三四五年分未完民欠錢糧自應全完
之項原不在分年帶徵之內臣乘今歲豐收頻檄

嚴催各縣上緊徵輸不得因循掛欠臣看光景三四五年之積欠歲內大半可望全完所有臣查過各事宜並現在情形理合恭摺

奏報伏乞

皇上睿鑒施行謹

奏

料汝斷不為欺誑之言也朕嘉悅覽之

同日又

奏為奏明沿海要口添設巡船礮臺以固海疆事竊
臣起身往台時將沿海情形諮詢督臣李衛督臣
言及台州之海門前所一帶係屬要口我本身不
能親到當順路查看該地情形如有應添兵目船
隻因地籌畫俟回省之日再為酌定具

奏今臣清查黃巖縣倉庫之後即會同調任黃巖鎮
臣方文登前至海門地方察看形勢果屬緊要查
海門一汛係臨海縣所轄之地出口即屬汪洋大

海乃商漁船隻往來之門戶恐姦匪之徒易於出入是以有黃巖鎮標將弁帶兵三百名駐劄海門原有設立礮臺一座防守此處對岸乃係台協前所汎地原撥有台協將弁帶兵五百名防禦亦有礮臺一座布置不為不周但兩岸皆係陸路未曾設有汎船查此港東通東洋及福建廣東西通黃巖縣治台州郡城江面廣濶約計十里臣之愚見應添設小快哨船數隻責令在海門前所兩處晝

夜實力巡察偷運米石夾帶私鹽等弊又黃巖至海門台州至前所雖設有臺汛數處恐鞭長難及必於海門至黃巖前所至台郡南北兩岸每隔數里各設立礮臺一座安設礮位撥兵防守建造營房永遠居住晝夜不許擅離責令將弁不時稽查則海疆重地可保無虞而偷運米石夾帶私鹽之弊亦便於巡緝難以透漏矣再臣到台州太平縣之寺前橋乃近海之區彼處有水師哨船二隻巡

兵三十名把總一員而溫州府屬之樂清縣紅橋

二處離海不過數里雖有陸路官弁兵丁並無哨

船再平陽縣之江口汛離海亦不過數里雖兩岸

設有礮臺並無船隻此三處難以巡緝臣之愚見

凡陸路臨河營汛必得照寺前橋之例每汛設立

哨船晝夜巡緝則偷運米石及夾帶私鹽之弊可

除地方匪類亦自聞風斂跡矣今臣於九月二十

二日回省已將看過沿海形勢與督臣面言而督

臣之意亦屬相同現在斟酌妥當另行會疏具
題外所有臣查過沿海情形合先

奏明伏乞

皇上睿鑒施行謹

奏

海邊要隘應加意巡防以備不虞設臺添兵之議甚屬
可嘉

雍正六年十月二十四日大理寺卿臣性桂謹

奏為奏明事竊臣奉

命清查浙省倉庫等務已將查過寧紹台等府事由恭
摺

奏明臣復於十月初四日自杭州起程至嘉湖二府
屬查各州縣倉庫已據

題委總查之杭嘉湖道王溯維原任湖州府知府吳
簡民并嘉湖二府知府將現在錢糧米穀盤無虧
缺臣查驗無異復取二該府及委查官印結存案

至各縣民欠錢糧內有嘉興秀水烏程歸安等縣

緣事務殷繁積欠較多目下尚未查清臣復會同

督臣李衛添委試用人員及佐雜等官分縣協辦

勒限查竣其杭嘉湖三府屬本省從前虧空及外

省咨追各案自臣抵浙委查以來據杭州府屬之

仁和錢塘海寧三縣摺報共追完銀三千二百餘

兩嘉興府屬之海鹽縣冊報追完銀二千六百餘

兩湖州府知府唐紹祖摺報共追變完銀一萬一

千一百餘兩又據紹興府知府顧濟美續報追變
完銀二千五百餘兩其餘未完銀兩現在嚴飭各
地方官上緊查追不容絲毫隱匿再查浙省咨追
案件惟紹興一府最多俟臣將杭州一府查清之
後復往該郡嚴加督察追比其杭州府各縣倉庫
等務容臣查明另行奏

好亦
聞抑

臣不可過於嚴刻

再有奏者嘉湖二府屬地處水鄉動需舟楫

臣

遍歷各州縣見汶河汊港四通八達莫可勝數所

以江浙二省之匪類在此二府者居多細查嘉協額設兵丁一千三百七十餘名湖協額設兵丁一千一百四十餘名除去隨丁公糧京撥等項名色雖有一千數百之虛名而無一千數百之實用地方遼闊汎廣兵單巡察焉能遍及以臣愚見嘉湖二府屬仰祈

皇上諭准再添兵丁及小快船隻分防於汶河汭港各處巡查庶宵小咸知斂跡矣臣見湖協都司王泓

細問太湖情形王泓云湖內有湖協及江南兵丁把守并有哨船可供巡緝其湖邊汊港隘小哨船止可在湖面巡緝不能進港須再得設立小快船數十隻便於進港搜查臣今回省面商之督臣亦以杭嘉湖三協地廣兵少為慮如蒙

皇上批准臣再會同督臣李衛酌議另

奏外相應將地方情形一併

奏明伏乞

既經與督臣李衛面商諒伊自有措置
睿鑒施行謹

奏

覽

同日又

奏為欽遵

聖諭密奏事竊臣於十月初四日自杭州起身往嘉湖

二府清查途中聞得臬司有摘印之說臣查完二

府之事本月二十日到省纔知臬司白清為斷邵

姓家產一案濫用刑夾之故被叅臣隨密訪議論紛紛不一有云原叅革正白旗漢軍拖沙喇哈番之類章京謝士英因將軍臣鄂密達與白清有親而當日邵九臯向在鄂密達門下走動故得乘機從中舞弊指撞者又有云邵家曾求過鄂密達到白清處說情許鄂密達銀物託其照拂轉囑願送白清銀四千兩之數者臣見督臣李衛並見藩司臣高斌問及此事皆云白清顛倒是非不無情弊

但將軍鄂密達先叅過謝士英今事之虛實尚不
的確現在審問臣到省聞得如此不敢隱諱相應
奏

聞再東洋託姦商柯萬藏帶著兩箇家人去聘請的九
箇福建和尚被督臣李衛訪知已差人先在普陀
山等候俱全行拏獲解到在省矣合併奏

聞謹

奏

所奏二事朕皆已聞之

雍正六年十二月初五日大理寺卿臣性桂謹

奏為奏明事竊查浙江帶徵民欠錢糧臣屢飭府縣

出示勸諭輸納今紳衿士民咸感

皇上洪恩竟有於應完分數之外多完者其雍正三四
五年地丁錢糧截至本年五月止各屬共未完銀
七十七萬一千餘兩臣恐各州縣怠於催科則年
復一年又成舊欠且今年收穫豐稔是以臣於秋

收時勒限飭令各州縣乘時作速催徵去後今各屬頗能上緊徵追而欠戶人等亦皆踴躍輸納臣隨查藩庫收銀數目據布政使高斌冊開自六月初一日起至十一月終止各州縣三四年錢糧除徵存縣庫未經批解外其已解交司庫銀共得三十二萬八千有奇而歲內尚有二十餘日臣仍復飭令各屬上緊徵輸源源報解謹將現在追完銀兩數目繕摺具

奏伏乞

皇上睿鑒施行謹

奏

催科有術朕甚嘉之百姓既咸知感恩踴躍輸納則徵收可不必嚴急爾當密授意於各有司稍從寬緩將朕此意亦密令督臣李衛領悉

雍正七年正月二十五日都察院右副都御史

臣

性桂謹

奏為據情陳明龍神著靈恭請

敕封永鎮海疆以衛商民事竊臣於雍正六年六月間
查寧波府屬之鎮海縣倉庫據該縣鄉民等僉呈
以鎮民僻處海濱田多磽瘠全賴雨暘時若歲獲
豐收邑有蛟門為東南海口緊要之地相傳龍神
鎮守保護鹹潮如遇旱潦祈求必應商民咸藉以
安今

皇上隆恩浩蕩海宇昇平兼之龍神庇佑得慶安瀾呈

請具

題懇求

聖主賜敕加封庶小民賴以保護地方受福無窮等情
臣隨令鎮海縣查明實蹟去後嗣據該縣詳稱查
得邑誌蛟門山在縣東約十五里環瑣海口有蛟
龍穴時興風浪每年支銷地丁錢糧於六月初一
日致祭龍神載在祀典如遇雨旱縣令虔禱有驗
順治八年大兵征勦舟山出關過蛟門風恬浪靜

及至螺頭門忽起大霧逆不及備遂得登岸圍城
十日破之其後海外餘孽犯闕見龍攔潮舟不能
入皆龍神衛護我

聖朝之實蹟見於志乘者也等因前來理合據情具
奏仰請

聖裁應否

賜敕加封伏候

皇上批示臣再會同督臣李衛另疏具

題謹

奏

該部議奏

同日又

奏為恭繳

硃批奏摺事竊臣家人前後兩次齎捧
皇上發回奏摺到杭隨恭設香案跪讀

硃批訓諭臣敬謹遵行望

闕叩頭謝

恩訖所有奉到兩次

硃批奏摺理合恭繳再有

奏者臣清查浙省各縣倉庫時凡見紳衿士民即宣

布

皇恩勸諭上緊完納今臣行司查歷年帶徵民欠完數
去後據布政司單開帶徵雍正三四年錢糧續
又解到銀七萬三千五百餘兩連前共已解司銀

四十萬一千八百餘兩尚未完銀三十六萬九千有零將來蠶麥兩熟於

題銷項限時所完自必更多再雍正六年分地丁錢糧自開徵起至封印日已收司庫銀一百五十四萬九千九百七十六兩零統計歲內已徵完七分有餘之數較往年亦覺稍增其未完銀兩雖有六十二萬一千八百十八兩零開徵之後尚有陸續趕交可副

題銷之限此係已前辦理者今奉

皇上硃批恩旨臣已密語督臣李衛現在斟酌分別緩
急以仰副

聖慈軫恤元元至意理合繕摺奏

聞謹

奏

完納錢糧固屬急公然猶為末節所慶者浙省民情風
俗一旦丕變至於如是朕深為嘉賞汝等皆有功於地

方之臣也勉之

雍正七年四月二十日都察院左副都御史補授
漕運總督署理浙江總督印務臣性桂謹

奏為微臣疊沐

隆恩恭摺奏謝以伸下悃事本年三月十四日臣接准
浙江督臣咨准吏部咨開奉

旨漕運總督員缺著副都御史性桂補授性桂奉差浙
江有清查辦理之事且李衛奏請進京陛見將總督

印務交與性桂署理著性桂於浙江事竣後再赴總
漕之任欽此移咨到臣隨恭設香案望

闕叩頭謝

恩恭疏

奏謝外竊臣一介寒微備員御史毫無寸效荷蒙

聖主隆恩超授大理寺卿旋陞副都御史復荷

天恩授臣為漕運總督又因督臣李衛奏請

陞見將總督印務交臣署理聞

命之下感激涕零惶悚無地臣惟有敬謹黽勉罄竭愚

忱冀圖仰報

高厚隆恩於萬一但漕運總督關係輓運

天庾職任甚鉅伏祈

聖慈准臣於浙江事竣後赴京

陛見叩謝

天恩跪聆

聖訓再往新任庶諸事得以敬謹遵循臣不勝感激瞻

戀之至理合繕摺恭謝

天恩伏候

聖旨謹

奏

陛見之行無庸奏請每歲催漕北來即可見朕且不論
何職何任但肯公勤辦理無事不克就緒也汝便來京
亦不過訓諭此二字而已至於汝所統理諸務朕不洞
悉亦無可訓諭者日前趙向奎在京聽其論奏漕務甚

覺通透汝赴任時路過蘇郡當詳詢之李衛於諸事練達亦可諮訪其言論也

同日又

奏為奏明事竊臣荷蒙

聖恩命臣署理浙江總督印務業將受印日期

題報在案今臣檢查案卷訪察民情凡有一切應行事件督臣李衛悉心辦理籌畫得宜臣俱循照舉行茲浙省士民皆感

皇恩屢沛教導頻施漸成淳樸且雨水調勻春花茂盛
而地方亦屬寧謐恐厯

聖懷謹將現在情形恭摺

奏明伏乞

皇上睿鑒謹

奏

覽奏深慰朕懷

雍正七年五月初二日補授漕運總督署理浙江

總督印務臣性桂謹

奏為奏

聞事竊照浙省雨水調勻春花茂盛臣已將情形繕摺
奏明今杭處等十一府屬所種春花目下將次收穫
蠶亦甚好其台屬各縣地氣較之省會稍異小滿
後即插種早禾據黃巖太平二縣報稱入夏以來
缺少雨水臣隨飛檄行查據台州府申報於四月
二十二日起至二十四日郡城連得雨澤四野霑

足等因到臣臣又即飭該府縣諭令鄉農乘此得
雨之後以時插種臣謹恭摺奏

聞伏乞

皇上睿鑒謹

奏

據奏閩省農蠶俱好台郡亦經得雨朕懷曷勝欣慰

補授漕運總督署理浙江總督印務臣性桂浙江

觀風整俗使署理浙江巡撫事臣蔡仕舫謹

奏為奏

聞事本年四月十八日有海寧縣民趙聖千持刀將伊親母謝氏頭面劃傷臣等聞知駭異即密飭杭州守喬世臣星赴查察隨據稟稱查該犯素患瘋顛不時舉發正在發狂持刀之際伊母謝氏向前奪刀致被劃傷頭顱額面驗明尚可醫治不至損命已將該犯收禁查律載凡子孫毆祖父母父母皆斬原無成傷與不成傷之別今趙聖千持刀傷母

雖係素患瘋顛但此等狂疾悖亂之人不可一刻

姑容

聖世若由縣府成招具

題反使得以苟延時日且恐有玷章疏臣等已飭該

縣將該犯立斃杖下以正倫化以快人心理合繕

摺

奏明伏乞

皇上睿鑒謹

奏

所見甚是應如此處斷

同日又

奏為奏明事竊臣等於本年三月內有臣性桂進摺
家人巴蘭泰臣蔡仕舛進摺家人孫從自京回浙
各據稟稱伊等同行於山東鰲陽地方遇有福建
延建道魏壯家人馬廷錫亦附伴同行在舟中據
馬廷錫說我在京聞知

皇上因欽天監啓奏紫微星落在福建地方為此

特差大人赴閩凡三歲以上九歲以下男子盡行誅滅
等語臣等各聞此言不勝駭異即同赴督臣衙門
與李衛共商當此太平

盛世

皇恩疊沛海濱山陬無不淪肌浹髓此等荒誕不經之
說萬不足以惑人聽聞但馬廷錫與臣等家人初
相覲面便敢放言無忌誠恐其到處傳說漸至流

播不可不即為查禁特未經提到馬廷錫訊出確
供何敢輕易入

告是以督臣李衛委員赴閩咨提馬廷錫來浙又慮該
犯狡推臣等因遣巴蘭泰孫從同赴指拘對質茲
四月二十六日接准福建督臣高其倬回咨云已
拏到馬廷錫訊據供認訛言不諱但稱係在路上
遇巡察山東御史臣蔣治秀家人張文修所說已
將該犯解京請

旨敕部提到張文修質對無庸解質等語移覆到浙臣
等無從再訊合將移提始末繕摺會

奏伏乞

皇上睿鑒施行謹

奏

此事高其倬等業已奏聞矣

雍正七年五月二十七日補授漕運總督署理浙

江總督印務臣性桂浙江觀風整俗使署巡撫事

臣蔡仕鼎謹

奏為奏

聞事竊浙省自上冬至今春瑞雪凝膏惠風敷暢春花
二麥發榮滋茂浙東紹寧台金衢嚴溫處八府地
氣較暖於四月內陸續收穫菜花豆子二麥其收
成分數自七分至十分不等此八府多種早稻因
甘霖連沛俱經插蒔齊全浙西杭嘉湖三府於芒
種前刈穫菜花豆子二麥均有七分至十分收成

此三府皆種晚稻時雨初晴溝塍含潤農夫乘時
插種臣等於本月十八日分頭赴各郊外勸農秧
苗遍野欣欣向榮農民歡悅頂戴

天恩至浙省蠶事最為關係今年蠶絲大熟價復不賤
養蠶之家均得大利錢糧爭先完納現屆

題銷雍正六年錢糧合計通省已完十分之九未完
一分現在陸續完報臣等謹將查明各屬實在情
形會摺奏

聞伏乞

皇上睿鑒謹

奏

據奏菜豆等項夏收分數深慰朕懷至於稻禾必待秋成後方敢釋念也

雍正七年六月三十日補授漕運總督署理浙江
總督印務臣性桂浙江觀風整俗使署巡撫事臣
蔡仕舛謹

奏為據咨密奏事竊臣等准督臣李衛咨開為密咨
代具

奏覆東洋近日情形事竊照日本蕞爾一隅全賴
天朝商販貨物以資食用自開海禁以來每歲賈舶往
來遠夷得沾利濟本職因海洋重大留心稽察上
年查有夾帶違禁人貨出口等弊當經

奏明緣由并將犯出姦商柯萬藏等分別究治一面
密差向在東洋貿易之商人俞孝行醫生朱來章

前往確探信息傳播

皇上德威使之恪恭震服在案查商船回棹貨物向例
四分銅斤六分係彼處海菜等貨名曰包頭客商
止於銅斤得獲利息其餘之貨俱係擡算高價原
無所趁本職於春初未進京之先聞得日本頭目
號為將軍者將舊有洋客每船給與金片陋規近
又加增每片計八色銀六兩約共值銀二三十萬
為數過多洋客不能如數夷人皆向彼處通事取

足若輩苦於賠累遂齊行公議將各船所帶回貨減為二分半銅斤餘悉盡搭包頭貨物從前每船該有七百六十箱之銅者今止派四百七十五箱其意欲使商客折本則去者自少倭目自然著急而彼可以將金片數目為酌量核減地步耳夷人正在刁難之際因聞有歲前訪拏夾帶違禁人貨姦商發覺究訊之事彼國頗有懼意今據差往之俞孝行回杭稟稱彼處於今歲三四月間已知有

風聲見伊時其通事中有關切者即告以唐山近日
的王家善能覺察甚是利害預先拏了許多違
禁的人又要打聽我們日本各樣的消息這邊甚
是小心你們不可多說話犯出要剗肚腸的等語
其所云唐山王家即稱呼

天朝官府之謂也又據前差之朱來章寄稟回稱此番
到時倭人頗覺疑他留在土庫相待雖優但不令
出來行醫又恐其回來走漏許其船照一張以安

其心目前尚未回到又據商總鄭大山等稟稱有
第二番出去洋商俞枚吉與彼國通事面說一番
道理宣示

皇上德威夷人頗知屈服欲改復舊額仍發四分銅斤
惟恐中原笑其畏懦故同俞姓議定每船將貨加
價少減折頭向日號為金水銀兩者每萬兩內多
批二三千兩以銅斤補足前數有餘其五月內出
去之船每隻俱許添帶實銀二千兩之貨多准配

銅珠一百二三十箱合來雖與舊額相似而每船較之往日更多便宜利息數百兩或千金不等復據鄭大威於東洋回來投到亦細訊無異其中詳細委曲之處俟俞枚吉七八月間回棹更可一一得其確耗矣事關海洋機務先次差往之人業經探有回信但本職現已聞訃丁憂不敢自行瀆陳相應備敘畧節咨請會同代為具摺密行

奏覆等因准此 臣等理合會摺密

奏伏乞

皇上睿鑒施行謹

奏

覽奏深慰朕懷凡此皆緣李衛實心任事忠誠體國消
患未萌慮事幾先之所致實屬可嘉

雍正七年閏七月二十三日補授漕運總督署理
浙江總督印務臣性桂浙江觀風整俗使署巡撫
事臣蔡仕艸謹

奏為密奏事竊照督臣李衛於本月初四日遵假回籍臣等於初三日到彼敘別督臣屏人密語云江南福建廣東及浙江杭嘉湖三府有匪類結黨陰謀我遣人扮星卜打探已查出為首係江寧人各處分散銀兩結納等語臣等詢其姓名督臣未即明言伏查杭嘉湖三府疊蒙

皇上逾格鴻恩民情感激比戶熙恬推之他省亦當如是至閩廣與江浙陸路寫隔惟海道易通而近年

洋面安靜即強竊等案亦甚稀少但預防密訪之舉乃昇平

盛世所不廢況督臣既於臨行時言之鑿鑿臣等不敢隱默除一面密行訪察並飭各鎮協營勤訓練謹巡緝以為有備無患之計是至於督臣所言則不敢稍有洩露以致愚民驚擾理合

奏請我

皇上密飭江南閩廣督撫諸臣一體密察以杜微漸為

此會摺密

奏伏乞

皇上睿鑒施行謹

奏

此等處乃封疆大臣所當深為留意者勿謂何害其禍將大故明者睹於未萌智者備於將然慎莫慢視忽而不察在凡庸無知或目為多事殊不知省却無限事也人咸知督撫搜緝匪類不稍姑息自必斂迹遠遁縱實

無其事亦屬防微善策何況形跡已露乎朕之信任李衛正在此等處嘉其明大體能知地方利害也汝等當效法之嚴加防範絲毫不可疎忽至江南閩廣各省朕俱經密諭矣

雍正七年八月初六日補授漕運總督署理浙江總督印務臣性桂謹

奏為密奏事竊前月初三日據督臣李衛向臣與蔡仕舛密語江南福建廣東及浙江杭嘉湖三府有

匪類結黨陰謀我遣人扮星卜打探已查出為首
係江寧人各處分散銀兩結納等語業經臣等會
摺密

奏伏思我

皇上深仁厚澤廣被四海凡有血氣者莫不感戴歡呼
共樂昇平但臣身任封疆督臣李衛既於臨行時
言之鑿鑿敢不竭力籌畫預防隨密飭各鎮協營
及各府轉行密飭所屬境內凡有面生可疑之人

詳加盤詰密行稽查如得姦匪實情立即嚴拏解
究仍飭不許兵役總保藉端滋擾務使姦匪無潛
蹤之處小民無驚擾之虞所有臣密飭各屬情由
理合

奏明謹

奏

前既奏過今又照樣抄謄瀆奏是何意見耶此等事當
密為留心不宜頻頻形之筆墨倘書寫之人不謹或致

洩露風聲甚覺於事無濟誤與汝等庸流言及是乃李
衛之咎洵可謂失言矣

同日又

奏為奏明現在潮勢平和情形仰祈

睿鑒事竊照海寧塘工劇險今歲秋汐潮勢尤大前經
署撫臣蔡仕舛會同臣將勘過情形及兩次發銀
預備防禦情由

奏明在案嗣因蔡仕舛入闈在邇所有閏七月望汐

經蔡仕舩親往查勘又復

奏明茲八月初一日起又屆初汐之期臣於初二日

親往海寧查勘於潮頭未來之先臣恭設香案率
領在工員弁竭誠拜禱至未時初刻見潮頭自南
席捲而至高有丈許離塘約有半里忽分為兩股
一股投西一股投東而去餘波纔至塘脚並不潑
激塘面復有一股小潮由東而來至小文前約離
塘身四五丈遠與分往東去潮頭兩相一擊隨即

會合仍投西南直去臣在塘觀看深為欣幸沿塘居民莫不感頌

聖主福庇初三日係大汐之期目覩潮汐安瀾無異平日恐塵

聖懷合將臣勘過現在潮勢平和情形恭摺

奏明再臣於初四日回署接到江蘇布政使高斌密寄字來因謝

恩奏摺內奉

硃批諭旨爾雖已經離浙當再寄字與蔡仕舫等令其極力敬慎預為防備復誠禱

海神以期感佑庶冀可保無虞也欽此臣跪讀之下仰見

皇上敬神衛民之至意查八月十三日又係望汐之期臣當先期欽遵

聖諭親往虔誠祈禱宣頌

皇仁併親督在工各員加意防禦務保無虞俟臣回署

再將勘過情形另行奏

聞謹

奏

感應之效捷於影響庸愚每信不及然須以忠誠為國
為民之念上格方能感動

神明鑒佑若將此交孚至理視為兒戲及或以世俗祈福
私心處之則非徒無益而更有害也朕意致敬盡禮究
不若竭誠輸忠為尤妙汝等倘不能遵諭從事而徒致

飾於儀文則可惜朕一片為民訓汝之苦心矣敬之勉之將此諭與蔡仕舩看李衛回任時亦令知之

雍正七年八月二十五日補授漕運總督署理浙江總督印務臣性桂謹

奏為再陳勘過望汛潮勢情形事竊臣於八月初二日前往海寧查勘塘工業將潮勢平和情形恭摺奏明茲十三日起至十八日又值望汛大潮之期臣復於十二日到海寧十三日欽遵

諭旨虔恭祈禱已於巳時見潮頭自南席捲而至離塘
身約有里許分為東西兩股其東去潮頭與東來
小潮一擊仍往西南而去餘波雖潏至塘脚坦水
間有衝損因不甚洶湧故塘身幸無坍塌十八日
乃

海神誕辰臣於五鼓率領在工各員恭設祭品香燭
虔誠致祭宣揚

聖德祈求默佑隨回至九里橋未時見潮頭自南而來

其勢與十三日無異臣於前七月因潮勢洶湧故
於望汎之期同署撫臣蔡仕舫往勘潮頭在東念
里亭本月初汎見潮頭退西八里之遠在於小文
前今又退西三里之遠在於薛家壩臣心駭異詢
之在工各官及本地里民咸稱南邊漲沙必然衝
決開濶各潮頭漸漸退向西南此說雖無確據然
潮頭現在漸退向西似乎近理仰賴

皇上福庇如果南邊漲沙漸次衝開潮勢不近塘身則

海寧一帶可保無虞矣至六七等月坍埝坦水塘
身雖經多備柴土隨坍隨修保固無虞但不過一
時急則治標之計今大汛已過自應及時購備椿
石重加修築以防明歲春汛除面諭專管塘工之
杭嘉湖道王敘福等查明估計造冊詳送俟署撫
臣蔡仕舛出場後臣會同覆加確核一面撥給銀
兩作速備料興修一面據實奏

聞所有臣勘過望汛潮勢情形理合

奏明伏乞

皇上睿鑒謹

奏

汝與蔡仕舛慢視海塘幾致誤事今仰賴

神明默佑幸保無虞至善後事宜自有李衛旋任經理何
用汝等庸才瀆陳耶

雍正七年九月初八日補授漕運總督署理浙江

總督印務臣性桂謹

奏為奏

聞事竊臣准督臣李衛轉交大學士公馬爾賽等字寄
雍正七年六月初六日所奉

上諭向來各省督撫奏報年歲收成皆云幾分至幾分
不等似此未曾分析清楚未免朦混嗣後可細加分
別一府之中如九分者居十之幾八分者居十之幾
照此類推據實奏報則朕可以詳悉收成之分數爾
等可寄信與各省督撫知之欽此遵

旨寄信前來等因到臣准此隨經檄行各屬欽遵去後
茲據各州縣將本年早禾收成分數逐一分別陸
續申報前來臣查各屬早禾俱有十分九分以及
七八分收成理合將各屬所報分數另摺分析恭
呈

皇上睿鑒謹

奏

深慰朕懷

雍正七年十一月十六日補授漕運總督署理杭州將軍印務臣性桂等謹

奏為敬陳禁城重地城上宜建營房仰祈

聖鑒事竊照杭州省城五方雜處居民稠疊內有大小衙門以及倉庫錢糧所關甚重現在十城門及水門設有滿洲漢軍各旗官一員兵十五名輪班看守按時啓閉惟查城上向未設有暮夜巡邏之兵是以姦巧棍徒每有包攬商稅於黃夜深更將貨

物緹城偷越等弊臣蒙

皇上天恩署理將軍印務隨密諭兵丁在於城上巡察
果獲有半夜上城棍徒二起押發有司審究一面
諄切出示嚴禁隨即撥旗兵一百名輪流巡邏俟
督臣李衛回任時會商永遠巡查之法今督臣業
已到任臣會同詳加商酌禁城重地理應慎密城
上宜建營房為兵丁棲止之所查城上從前原有
營房基址猶存臣等擬請於舊基處所酌量遠近

復建營房各三間其鳳山慶春艮山三門因跨山
近河偷漏較便尤為緊要酌量加添約計共十餘
處各派官一員兵十名輪班晝夜專司巡邏稽查
實於地方有益如蒙

聖恩俞允所有應建營房酌動鹽務盈餘銀兩交地方
官確估興建仍隨時修葺毋致傾圯如此防禦不
但

國課有益而匪類姦徒自知斂迹矣臣謹會同督臣

李衛合詞恭摺具

奏伏祈

皇上睿鑒謹

奏

城上設兵巡邏之議可行建造營房當於公項銀內動
用此係創舉應行題請之事另為妥議具題可也

同日又

奏為請

旨事竊照杭城駐防滿漢旗兵荷蒙

聖恩垂念籌及伊等吉凶之事

賞撥正項錢糧二萬兩著令營運生息所得利銀酌量
恩賞此實亘古未有之

殊恩臣荷蒙

特恩署理杭州將軍印務受事之後查營運銀兩前任
將軍臣鄂密達將此

恩賞銀二萬兩業已借給滿洲漢軍各兵每月一分取

息臣接任後見原任浙江提臣陳天培將

恩賞銀兩分借兵丁奉

旨恩寬著令一一歸還仰見我

皇上愛恤兵丁無微不至照今鄂密達所辦之事與陳天培相同是以臣即於十月起暫停借賞外臣再四思維未收回銀兩若一時向兵扣楚實非仰體

聖主矜恤兵丁之至意臣現將滿洲漢軍每月各扣回

本銀一千兩利銀一百兩計扣至十箇月本銀扣

足其扣回銀兩作何營運之處臣恐一人之見未能妥協隨與督臣李衛副都統臣偏圖楊長泰陳士璠等公同商議將前項銀兩或於駐防滿漢旗員人內選擇能員令其承管於省城開張典鋪照民間之例十兩以外一分取息抑或照依

恩賞撫標兵丁銀兩之例亦交鹽驛道王鈞於鹽商內查有家道殷實情願領去者使各商連名互結每月按一分生息將每月現收各兵之銀隨收隨放

按月即可得利再浙省入官田畝臣奉

命清查以來應變者屢飭該地方官及時變賣而承買者甚屬無幾或以此項銀兩將入官待變之田畝照依估計報部價值繳貯藩庫將田仍聽原佃戶租種除完糧公事之外應得租籽交該地方官察收委令老成旗員會同糶賣易銀交庫俟利息充足之日再行賞給實可垂之永久而兵丁人等得沾億萬年之

洪恩矣臣等愚昧敬陳末議三條是否有當仰懇

皇恩採擇批示俟新任將軍臣阿里袞到任時欽遵辦
理為此合詞具

奏請

旨伏乞

皇上睿鑒施行謹

奏

阿里袞即日到杭俟其接任後酌量料理可也

雍正七年十二月十一日補授漕運總督臣性桂

謹

奏為奏

聞事竊臣奉

命來浙會同清查倉庫錢糧等務業將查過情節併造冊緣由先經

奏明在案現據布按二司陸續造冊前來今臣雖已查核完竣但原係奉

旨會同督臣及觀風整俗使清查之案必須公同悉心
會核方敢分別具

題今封印在邇督臣李衛因地方公務紛繁尚未查
竣容俟查竣會

題之後臣即赴總漕新任恐厯

聖懷合先恭摺奏

聞伏乞

皇上睿鑒謹

奏

朕另有委任之事如此摺齋回時爾尚未離浙省即在杭郡候旨遵行

雍正八年二月初八日工部尚書臣李永陞漕運總督臣性桂浙江總督臣李衛謹

奏為遵

旨察審事竊臣李永陞奉

旨前往浙江會同審理所獲匪類一案隨欽遵於本年

正月初七日在京起身至二十二日抵蘇即傳

諭旨著江蘇巡撫尹繼善飛提署江寧按察司馬世烜
赴浙臣於二十四日直抵杭州當將

上諭分向漕臣性桂督臣李衛各宣示訖節次准臣李
衛移送案卷情節併江南解到各犯字蹟符咒邪
法書籍等項前來臣等逐一細加察閱隨准江省
將馬世烜等押解來杭臣等會同訊問將各犯取
供在案伏查馬世烜身受

皇上格外隆恩畀以要地法司重任不能覺察同城反
與姦匪張雲如筆錄往來已為溺職先或不知其
詳情尚可原及委令緝拏遲延不解竟將搜出不
法字蹟並不公同點明開清事由件數封貯公所
私留衙署二十餘日意欲何為又於搜查時私取
一紙既不眼同看明則所稱藥方之處自屬難信
且因程漢瞻前曾幫過銀兩瞻顧私情以寄信喚
來捏為投到任聽張王金在於署內向馬空北覲

面求情轉以為親受累代其解紛今奉

旨詢問尚不據實供吐既以戲謔之語搪塞又以別有
苦衷支吾不思辦理

國家重案自當秉公執法豈可顧慮依違今俱已敗
露仍恃職銜所有通同如何商謀徇庇隱情抽匿
字蹟之處只云實係我辦理錯誤將作弊之處狡
口不承至江寧副將張玉金黨庇私親公然囑託
行賄且令千總宋承慧預先通知要犯胡愷公三

日後方拏反羅織無辜又著千總擅拘首人于璉
總甲扑責民人種種不法均干

功令相應一併具摺叅

奏請

旨將馬世烜張王金革職以憑與張雲如等各犯逐一
訊審實情分別定擬具

題除張王金葛繼孔郭如梗移咨江南督撫諸臣提
解質訊外謹將現在審訊各犯口供另繕清摺恭

呈

御覽為此合詞會

奏伏乞

皇上睿鑒施行謹

奏

將馬世烜張玉金俱革職拏問嚴審定擬具奏負朕高厚之恩未有甚於馬世烜者殊屬可惡之至即一面遵諭行文與范時繹尹繼善將馬世烜一應資產搜索封

固并將伊子及其得用家人拘禁候旨施行倘有踈縱
隱匿情弊惟范時繹是問馬世烜既知此案敗露必早
為搬運寄頓之計矣當令范時繹尹繼善詳審為之

雍正八年三月初十日工部尚書臣李永陞漕運
總督臣性桂浙江總督臣李衛謹

奏為遵

旨察審事竊臣等於本年三月初八日接到

皇上批回臣等前次會奏審得馬世烜張王金通同徇

私作弊緣由奏摺一件公同啓視跪讀隨即欽遵
諭旨將馬世烜張玉金鎖拏收禁審擬併差員星飛齎
文傳

旨與江南督

臣

范時繹撫

臣

尹繼善密速欽遵辦理去

訖查前奏內行提之葛繼孔等先經陸續到浙

臣

等於二月十三日會同質訊據葛繼孔已將張玉
金請去同伊親家程漢瞻商議不惜身家託其向
馬空北闕說為伊求情朦混開脫復令郭如梗邀

空北至寓飲酒許以事成從重厚謝多金空北彼時回其同差有人既恐在江形蹟顯露又慮浙省訪聞獲罪游移未曾全允等情供出郭如楸始雖稍有支吾見衆犯已言實情隨亦盡行吐露質之馬空北三面供詞脗合無異惟張玉金止將馬世炳轉傳范時繹之意著令通知程漢瞻到寧即邀葛繼孔商議央同郭如楸向馬空北求為照拂併在臬司衙門與空北叩頭又借查夜為名時常進

監與漢瞻私相密會之處自認無辭其如何通同
勾結商謀前後行賄根由尚恃有副將職銜不吐
實供臣等於葛繼孔馬空北二人對質明白之後
隨將馬世炳雖許空北提拔功名尚屬事後即葛
繼孔所言從重厚謝亦未交出現物而空北因何
即肯甘心不懼

國法竭力為之朦朧具稟之處向繼孔空北二人細
加詰問據葛繼孔露出馬空北非是驛子自然別

處還有緣故但非伊經手不敢說出等情馬空北
彼時詞色倉皇畧加根究始據供出去年十一月
二十四日馬世烜令同屬回教的揚州人張鎮遠
來寓說合云如今有一項是五千晚生要沾光一
千你到明年正月到我舖子來兌空北隨問此項
到底是誰的鎮遠云是范大人那裏的傍人如何
有這東西說明鎮遠即出去儘晚同他外甥楊進
寶來空北寓內即將五千兩契紙交代空北而去

到初三日浙江的差官到江寧提人鎮遠即不見面了及至空北十二月十三日到杭見過大人見事已敗露將此紙實在燒燬無存當日契上的話空北記的如今錄出願同質對等語臣等當差守備李壽演齋文前往揚州江寧分提張鎮遠楊進寶到案質對適因督臣范時繹赴蘇會審王璣一案該備於常州相遇投文留下問話候示時繹隨差官星往揚州去後又差千總同李壽演赴寧提

獲楊進寶而張鎮遠已為時繹所差之官連夜馳
驛先行喚到留在公館轅門維時署臬司劉永鏞
亦因公事在蘇即備文將張鎮遠楊進寶一同起
解而范時繹與臣等之咨文則稱張鎮遠有病隨
後起解彼此兩相互異皆有印文可據迨張鎮遠
等押解到杭臣等弔犯質審張鎮遠楊進寶不待
刑訊俱各據實供招即將所供情節與馬世炘自
看而世炘垂首無詞臣等伏查此事各官情節皆

出人意料之外者豈止斯案各官而已似此者儘多即

出常人意料之外幸荷

斯案亦非朕之聰明睿智所能覺察因朕生平存不負

聖明洞鑒隱微令臣等會同察審詳慎推問今已盡行

人之心以故但有負朕者皆蒙

敗露馬世烱亦於未經奉

上天神明鑒照一一令其自行敗露也歷觀

旨革職之先即皆供認惟張玉金尚未全認現在遵

天道之感應迅速如是可以人而不知敬畏凜惕乎三人

旨嚴審務得確情定擬

行必有我師之語卿等時當三復以自加勉可也

奏覆至本案各匪犯臣等俱經陸續會訊互相質對

有直認正情無俟推鞠者有始猶狡口畧加嚇問

盤詰即行實供者似此重案半夾不過四五人且

多被拏獲棍徒不致脫漏業已逐名審完其中有
謀匪未成及造言惑衆或從前叛案漏網或被誘
附和好事之輩情罪輕重不等現在彙核各供分
別定擬另行具

題合將近日所審情形

奏覆並將奉到

硃批原摺恭繳謹

奏

詳覽所奏洵屬大奇朕諭不謬於斯益可見矣誠偽二字何能逃

上天之鑒耶俟具題到日有旨

雍正九年十一月十五日漕運總督臣性桂謹

奏為遵

旨密行奏

聞事竊臣接准大學士臣張廷玉等字寄內開奉

上諭江興二衛應追鑽夫底料銀兩朕已降諭旨開恩

豁免但嗣後支給或照定例仍給鑽夫銀五十兩底料銀五十兩或從前給發此項銀兩之時上下扣剋原有浮冒虛銷朕以國家之加恩施惠務在受者得其實濟鑽夫底料如實係給與成造之旗丁則自應照例賞給如徒為官吏分肥旗丁所得無幾是豈施恩立法之意乎爾等寫字與性桂令其詳細確查將嗣後支給銀兩應否照從前之數酌定密行奏聞朕再降諭旨欽此遵

旨寄信前來臣遵查得江興二衛鑄夫底料銀兩從前
原由糧道給發衛守備轉發各丁經營書役人等
紙筆飯食之資各丁不免亦有所費如浮冒虛銷
扣剋分肥等弊臣詳細密查實無確據嗣後倘蒙
皇上隆恩仍准給發臣自當仰體

皇上加恩施惠務在受者得其實濟之至意嚴飭該道
衛凡從前旗丁所費陋規概行永禁臣仍不時密
訪嚴查如有違犯官叅吏處再查旗丁成造漕船

所領料價不敷又無贍田幫貼故加鑽夫底料除鑽夫銀五十兩原無增減其底料一項係以十分計算每分銀五兩一錢若無底料者則全給銀五十兩有零或有底料不足則照不足分數補給是以合之鑽夫一項或有共給一百兩有零者或有共給五十餘兩以及六七十兩八九十兩不等者惟俟臨時查核底料乃有給發確數如蒙

皇上特恩嗣後仍照定例賞給自當臨時飭令道衛查

明酌定給發臣未敢擅便伏候

諭旨遵行謹

奏

該部議奏

雍正十年十二月十七日兵部尚書暫行署理漕
運總督印務臣性桂謹

奏為奏

聞事本年十二月十四日據浙江杭屬富陽縣知縣朱

永齡呈報米價單內開上白米每石紋銀一兩八錢中米每石一兩七錢糙米每石一兩五錢等情臣又聞寧波台州等府米價亦貴目今價值如此恐春天又長臣之愚見或將浙省本年糧米截留三四十萬石或將浙省積貯倉穀不拘存七糶三之例多糶數十萬石分撥米貴之各州縣令其確訪時價酌減平糶則米價可平臣仰體

皇上念切民依愛育羣黎之至意今據該縣呈報時價

與臣所聞寧台等府米貴情由理合恭摺奏

聞是否有當伏乞

皇上睿鑒施行謹

奏

截留浙省漕糧及平糶倉穀之奏已命廷臣議覆今將
所議發來汝看

硃批諭旨卷一百七十七

欽定四庫全書薈要卷八千一百四十九

史部

硃批諭旨卷一百七十八

硃批德明奏摺

雍正四年十二月二十八日山西巡撫臣德明謹

奏為奏

聞事臣遵

旨於十二月初八日自京起程於十六日入山西境至
二十日抵太原府巡撫衙門到任經臣先後具疏

題報在案臣自入境後沿途過平定壽陽樂平盂縣

榆次太原陽曲各州縣地方留心體看俱得雪九

寸至一尺二三四寸不等及臣到任之日查閱通

冬雪霑足慶幸來歲之兆則可何得遂云定獲豐收矢

省各府州縣地方報雪文卷俱報得雪已經霑足

口放言耶百凡處惟當克誠克敬盡人事以待

此皆荷蒙

天此等狂妄矜誇之心不可存此等無理不經之言尤不

聖主至誠格天降此歷年未有之瑞雪與晉省山坡地

可道戒之慎之

方更屬相宜明歲二麥定獲豐收再省城米價現

上天之恩何敢預定此奏朕甚不喜恐爾存如此心則

今小米每倉石合銀九錢六分二釐麥子九錢九

業寅畏之念弛矣米價平減是乃

上蒼錫

分黑豆六錢三分二釐高糧六錢五釐米糧價值

甚屬平減地方官民士庶莫不歡欣忭舞慶享昇

更當留心設法以克裕倉儲為要勉力率屬為之

平之福除臣面奉

訓旨事宜容臣次第詳晰確查具

奏請

旨遵行外所有臣入境後查訪地方得雪米價平減緣

由理合繕摺奏

聞以慰

聖懷謹

奏

爾此奏不但不能慰朕徒煩朕心摺內定獲豐收米價甚賤二語殊無足取朕以為爾知朕意赴任後必能仰副所以甚為晉省寬懷今覽初次奏摺光景殊不能體朕之意矣奈何

雍正五年正月十九日山西巡撫臣德明謹

奏為欽蒙

聖訓恭謝

天恩事竊臣標把總齎回臣奏地方得雪米穀時價一
摺蒙

皇上硃批誠訓周詳深切臣跪讀之下惶悚無地伏念
臣愚昧無知於到任之初不能仰慰

聖懷乃以矜誇放縱之言附入奏摺煩瀆

聖心臣實愧悚之至今蒙

皇上天恩誠訓諄諄臣惟有欽遵

訓旨兢兢業業實心任事以期仰副

聖主諄切教訓之

隆恩所有奉到

硃批理合恭繳謹

奏

一切處不可率易遇好境不可肆志但以敬慎二字處之無往而不是矣

同日又

奏為奏

聞事竊臣欽遵面奉

上諭於到任後查訪得鴈平道謝王寵為人執拗伊任

執拗

微疵猶屬無妨

但

鼎伊不可務虛名

內之事尚能辦理

居官操守好

凡伊屬員皆奉公

守法於地方尚屬有益之官所有微臣察訪過緣

由理合繕摺恭

奏仰祈

皇上睿鑒謹

奏

謝王寵不失為端方正直之人若不迂腐則甚可任用

雍正五年二月十三日山西巡撫臣德明謹

奏為奏

聞事竊晉省錢文一事臣於湯山

行宮面奉

上諭令臣將民間廢銅多多收買設局鼓鑄試看欽此

欽遵臣到任之後即查各州縣收過廢銅數目止

據祁縣等五十九州縣共收過廢銅三千四百三十斤四兩共收過小錢計重九千四百三十一斤
臣恐地方官奉行不力以致民間觀望遷延藏匿

不交臣即嚴飭各州縣實心奉行將廢銅多多收
此事急迫不得恐地方不肖官吏借此滋擾惟宜徐徐
買又恐有姦民射利銷燬制錢情弊臣亦通飭各
設法勸諭廣布耳目伺察屬員之奉行善否多方懲獎
州縣官嚴行查拏仍一面出示省城勸諭官民人
以收實效觀汝徒恃法令似近強逼或止行之於省城
等將舊存黃銅器皿盡數交官領價勿再遲延觀
庶幾猶可

望外所有現今收過廢銅數目理合繕摺奏

聞謹

奏

固不宜懈亦不宜急凡事如此方為得中

同日又

奏為奏

聞事竊臣到任後查原任兵部武選司員外郎崔致遠

係曲沃縣人嗣曲沃縣知縣葉華暉到省臣即問

該知縣聞崔致遠在籍甚不安分從前曾約束訓

飭他沒有隨據葉華暉回稱崔致遠居鄉人皆說
他不安分但無確實款蹟前任總督伊都立曾令
知縣查過等語臣即諭知縣葉華暉崔致遠在地
方上不安分不可給他體面即出示嚴行約束不
時差人訓飭不許他在地方上妄行多事臣亦時
加嚴飭外理合繕摺恭

奏伏祈

皇上睿鑒謹

奏

觀此則葉華暉必有科甲年誼所以彼此互相袒護如
葉華暉果係沽名釣譽取媚紳衿之員則當一體叅處
既據鄉人僉有不安分之語豈竟毫無確據此等巧詞
只可朦混伊都立德明等巡撫耳設云崔致遠居鄉安
靜守分反為近理可信若似此不即不離依違兩可之
語朕前如何行得縱該縣不肯秉公據實直言爾等豈
再無訪聞之術耶此奏甚屬不合

同日又

奏為恭繳

硃批事雍正五年二月初二日奉

皇上硃批訓旨臣跪讀之下感激涕零竊臣至愚至陋
荷蒙

聖恩特授巡撫重任臣雖事事實心加謹辦理每多失
於粗率時切惶悚今蒙

皇上訓諭敬慎二字實居官行事之寶鑑臣銘心鏤骨

永遠遵守刻刻以敬慎二字存心行事庶將來獲免過愆皆荷

皇上洪恩教訓矜全之所賜也謹將奉到

硃批原摺恭繳伏祈

睿鑒謹

奏

教訓何惜矜全莫望凡事須還朕一是字方可

雍正五年閏三月初七日山西巡撫

臣德明謹

奏為奏

聞事竊臣前奏沁水縣店家廉崇照代吳奇明赴縣遞
呈一案續據沁水縣報稱選差的役押同店家追
至翼城縣地方拘獲原具呈人該縣訊據供稱實
名李亨榮係臨汾縣學生員又追獲同行入田帝
簡該縣小心看守按時給以飯食李亨榮堅執不
食此二犯該縣現在起解赴省尚未解到又據臣
差千總前赴臨汾縣拏獲李明端併田帝育之父

田自香趙學朱之弟趙學鼎押解到省又據臣差
守備前赴直隸任縣拏獲張文斗張祿紫張弄戈
張文標段奇劉起鳳周有懷田帝育在各家細細
搜檢並無簿籍等物惟張文斗家內搜出長鎗一
杆腰刀一口又赴南和縣拏獲趙學朱稟報到臣
是案內要犯已經就獲俟押解到日臣即審明虛
實另

奏外所有獲犯緣由理合先行奏

聞謹

奏

李亨榮始初尚欲投案作證今經就獲而反不食難解其意矣總之審明自得真情亟當細心研究不可寬抑無辜至追獲此案之捕役人等宜重賞以示鼓勵

雍正五年閏三月十二日山西巡撫臣德明謹
奏為奏

聞事竊臣屬太原府地方於本年閏三月初二日得兩

一寸有餘初三日得雨二寸有餘初七日得雨三

寸又據各屬陸續申報均於初二初三初七等日

據云

雨止數寸

何能四野

霑足此奏

大似不確

得雨五寸四寸不等四野霑足麥苗長發茂盛秋

田俱已播種理合繕摺恭

奏再查沁水縣所獲遞詞人李亨榮等又臣標守備

此案當虛公竭

力詳細審訊於中甚有難明處

在任縣拏獲張文斗等俱於本月十一日解到太

原臣現在究審合併

奏明伏乞

皇上睿鑒謹

奏

知道了



殊批諭旨卷一百七十八



總校官庶吉士臣侍朝

校對官編修臣莫瞻蒙

謄錄監生臣范熒